



Fondacija tuzlanske zajednice

Vitalni znaci 2019

Konsultacije sa mladima

Razgovor sa Odborom Omladinske banke Živinice



Pozadina

Fondacija tuzlanske zajednice je u okviru istraživanja o kvaliteti življenja na području TK "Vitalni znaci 2019" održala niz konsultacija sa građanima fokusiranih na izgradnju bolje zajednice kroz identifikaciju stanja u lokalnoj zajednici i jačanje individualnog osjećaja odgovornosti (pripadnosti) pojedinaca za stanje u lokalnoj zajednici.

Sve fokus grupe u okviru konsultacija počele su kratkim prezentacijama istraživanja i tema za diskusiju, nakon čega su građani ocijenili svaku oblast istraživanja o kvaliteti življenja, te kroz rad u malim grupama, prezentaciju i diskusiju iznosili svoje mišljenje. Dobiveni rezultati razgovora sa građanima pomogli su Fondaciji da ispita subjektivni osjećaj kvaliteta življenja i zajedno sa građanima identifikuje prilike za djelovanje unutar lokalne zajednice.

Konsultacije sa građanima su u periodu juli - avgust, održane u saradnji sa članicama Mreže aktivnih zajednica i predstavnicima mjesnih zajednica pri čemu su dvije fokus grupe održane ciljano sa ranjivim kategorijama u društvu, sa ženama i mladima.

Forma diskusije

Diskusije sa građanima fascilitirane su od strane FTZ tima koji je vodio učesnike kroz tri pitanja, osiguravajući prostor za učešće za diskusiju i doprinos svih učesnika. Tri pitanja na kojima se fokusirala diskusija su:

1. Kada razmišljate o vašoj zajednici, kako izgleda zdrava, vitalna zajednica?
2. Šta je dobro u vašoj zajednici? Šta funkcioniše?
3. Šta se može popraviti u vašoj zajednici?

Kao dodatak diskusiji građani su pozvani da na post itima napišu kako oni lično mogu i žele doprinijeti izgradnji bolje zajednice.

Ocijeni vitalnost svoje zajednice!

Diskusije sa građanima fascilitirane su od strane FTZ tima koji je vodio učesnike kroz 10 oblasti istraživanja. Građanima su ukratko objašnjene oblasti istraživanja o kvaliteti življenja, te za svaku oblast su im predstavljeni dijelovi preliminarnih rezultata koje smo dobili statističkom analizom i koji se odnose na područje Tuzlanskog kantona. Kratkim opisom konteksta za svaku pojedinačnu oblast će pomoći u razmišljanju i davanju ocjene stanja za svaku navedenu oblast.

Upitnik je tražio od građana da uzmu u razmatranje i dobre i loše pokazatelje unutar svake oblasti i da daju generalnu ocjenu stanja u svojoj zajednici. Za svaku oblast u upitniku je ponuđeno nekoliko osnovnih, preliminarnih podataka koji govore ponešto o stanju u navedenim oblastima.

Učesnicima diskusije podijeljene su kartice sa označenim vrijednostima iz upitnika, a nakon što je prezentovana svaka pojedinačna oblast, dizanjem iste učesnici su ocjenjivali vitalnost svoje zajednice.

Tokom diskusije o oblastima istraživanja učesnici su imali priliku dati generalnu ocjenu stanja u svojoj zajednici.

Naime, u okviru istraživanja tokom jula 2019. godine, građani TK su imali priliku dati svoju subjektivnu ocjenu stanja u zajednici putem upitnika koji je bio istaknut na internet portalima u gradovima na području TK.



Datum: 06. avgust 2019.

Oblasti za diskusiju: Rad, zapošljavanje, Ekonomija i poduzetništvo, Jaz između bogatih i siromašnih

U saradnji sa: Omladinskom bankom Živinice

Lokacija: Kamp Omladinske banke

Broj učesnika: 17 (5M i 12Ž)

Sažetak diskusije:

Zbog značaja ovih tema i interesa koji za njih vlada u zajednici, diskusija je urađena sa mladima iz odbora Omladinske banke Živinice.

S obzirom da su učesnici dolazili iz različitih lokalnih zajednica koje se suočavaju sa različitim potrebama i izazovima u izgradnji bolje zajednice, tokom diskusije istaknute su određene razlike u trenutnom stanju i težištima za napredak. Nakon što je mladima predstavljena svaka od oblasti istraživanja, ocijenili su svaku oblast po subjektivnom nahođenju, te se detaljnije raspravljalo o dvije oblasti istraživanja od koje zahtijevaju društvenu reakciju.

Većina učesnika se složilo da je stanje u oblasti “Rad, zapošljavanje, ekonomija i poduzetništvo” zadovoljavajuća, ali da treba uložiti napor da se stranje poboljša. Šest učesnika je smatralo da je stanje u ovoj oblasti zabrinjavajuće, te je potrebna ozbiljnija društvena reakcija.

Članovi odbora Omladinske banke Živinice su se izjasnili da je “zdrava”, “vitalna” zajednica u okviru oblasti “Rad, zapošljavanje, ekonomija i poduzetništvo” zajednica koja omogućava zaposlenje studentima i učenicima srednje škole, zajednica koja podržava poduzetničke ideje, koja omogućava praksu i zaposlenje po završetku srednje škole, zajednica u kojoj su plate u skladu sa standardima, u kojoj je radno vrijeme ograničeno, u kojoj se poštuju prava radnika i u kojoj se može zaposliti bez mita i korupcije.

Ono što je dobro u zajednici u oblasti “Rad zapošljavanje, ekonomija i poduzetništvo” je podrška gradonačelnika poduzetničkim idejama, razvijena proizvodnja i industrijske zone, razvijena trgovina i ugostiteljstvo.

Ono što treba poboljšati u zajednicama na području općine Živinice je zaposlenje bez mita i korupcije, češći obilazak inspekcije za rad zbog mnoštva neregistrovanih objekata za rad i narušenih prava radnika, podrška mladima u pokretanju vlastitog biznisa, te češće apliciranje od strane mladih ka Javnim pozivima.

Za oblast “Jaz između bogatih i siromašnih” devet učesnika je izjasnilo da je stanje u ovoj oblasti zadovoljavajuće, te je potrebno uložiti napor da se situacija održi ili poboljša, dok sedam učesnika misle da je stanje zabrinjavajuće, situacija zahtjeva ozbiljnu društvenu reakciju, a samo jedan učesnik smatra da je stanje u ovoj oblasti odlično, te da možemo biti uzor drugima.

Kada govorimo o ovoj oblasti građani su se izjasnili da “zdrava”, “vitalna” zajednica treba da bude bez diskriminacije u zdravstvenim ustanovama i školama.

Ono što je dobro u ovoj zajednici je to da bude veliki odaziv tokom humanitarnih akcija, da je Crveni križ grada Živinice aktivan i konstantno pomaže osobama koje su slabije ekonomske situacije, kao i Islamska zajednica, te Narodna kuhinja. Također, građani iz inostranstva često pomažu mještane mjesnih zajednica iz kojih dolaze (putem humanitarnih akcija, donacija itd.).

Treba poboljšati - Potrebno je otvoriti više firmi koje će zapošljavati ljude i time poboljšati ekonomsku situaciju (tj. otvoriti radna mjesta). Animirati građane da još više doprinose radu humanitarnih organizacija, potrebno je podići svijest o diskriminaciji koja je prisutna.



Jaz između bogatih i siromašnih

Članovi OBŽ su rekli

Kako izgleda „zdrava“, „vitalna“ zajednica?

- Bez diskriminacije u zdravstvenim ustanovama i školama.

Šta dobro funkcioniše u vašoj zajednici?

- Veliki odaziv tokom humanitarnih akcija,
- Crveni križ grada Živinice aktivan i konstantno pomaže osobama koje su slabije ekonomske situacije, kao i Islamska zajednica, te Narodna kuhinja.
- Građani iz inostranstva često pomažu mještane mjesnih zajednica iz kojih dolaze (putem humanitarnih akcija, donacija itd.).

Šta se može poboljšati u zajednici?

- Otvoriti više firmi koje će zapošljavati ljude i time poboljšati ekonomsku situaciju (tj. otvoriti radna mjesta),
- Animirati građane da još više doprinose radu humanitarnih organizacija,
- Podići svijest o diskriminaciji koja je prisutna.

Rad, zapošljavanje, ekonomija i poduzetništvo

Članovi OBŽ su rekli

Kako izgleda „zdrava“, „vitalna“ zajednica?

- omogućava zaposlenje studentima i učenicima srednje škole,
- podržava poduzetničke ideje,
- omogućava praksu i zaposlenje po završetku srednje škole
- plate su u skladu sa standardima
- radno vrijeme je ograničeno
- može se zaposliti bez mita i korupcije
- poštuju se prava radnika



Šta dobro funkcioniše u vašoj zajednici?

- podrška gradonačelnika poduzetničkim idejama,
- razvijena proizvodnja i industrijske zone,
- razvijena trgovina i ugostiteljstvo

Šta se može poboljšati u zajednici?

- zaposlenje bez mita i korupcije,
- češći obilazak inspekcije za rad zbog mnoštva neregistrovanih objekata za rad i narušenih prava radnika,
- podrška mladima u pokretanju vlastitog biznisa,
- te češće apliciranje od strane mladih ka Javnim pozivima.

Šta ja mogu uraditi da dopinesem izgradnji zdravije i bolje zajednice?

- zaobilazim korupciju i mito, upozoravam i druge
- podižem svijest o diskriminaciji
- mogu da podržim mlade ljude koji pokreću svoj biznis kupovinom njihovih proizvoda
- mogu širiti informacije o otvorenim Javnim pozivima
- mogu sudjelovati u humanitarnim akcijama